

UMS pertahan gelaran juara Sukan IPT Sabah

UB 18-12-2017 A12

KOTA KINABALU: Universiti Malaysia Sabah (UMS) berjaya mempertahankan gelaran juara keseluruhan Kejohanan Sukan IPT Sabah 2017 untuk kali kedua berturut-turut.

Kejohanan dua hari merebut Piala Timbalan Menteri Pendidikan Tinggi Malaysia; Datuk Dr. Mary Yap Kain Ching itu berakhir di Kompleks Sukan UMS dekat sini pada Ahad.

Beraksi di gelanggang dan di hadapan penyokong sendiri, kontinjen UMS yang dibarisi oleh 87 atlet dan pegawai memperlihatkan kehebatan mereka dengan menjuarai tujuh dari lapan acara yang dipertandingkan.

Selain tujuh emas menerusi acara futsal wanita, bola tampar

pantai wanita, bola keranjang lelaki dan wanita, bola sepak, bola jaring dan sepak takraw, UMS juga memenangi dua perak dan satu gangsa.

Naib johan keseluruhan disandang oleh Politeknik Kota Kinabalu yang menjuarai acara bola tampar pantai lelaki selain dua memenangi dua pingat perak.

UMS Kolej Antarabangsa Labuan (KAL) muncul selaku pemenang tempat ketiga keseluruhan dengan dua perak dan satu gangsa, sambil UiTM Sabah dengan satu perak dan tiga gangsa muncul selaku pemenang tempat keempat keseluruhan.

Pengarah Pusat Sukan UMS; Mohd Asyraf Fong Abdullah

berkata, kontinjen UMS telah membuat persediaan yang begitu rapi dan tersusun untuk mempertahankan kejuaraan yang dirangkul pada temasya sulung tahun lalu.

Beliau menghendaki atlet-atlet UMS menunjukkan prestasi yang lebih baik diperingkat kebangsaan termasuk Sukan Institusi Pengajian Tinggi Malaysia (SUKIPT) yang akan berlangsung di Universiti Kebangsaan Malaysia (UKM) pada 1-10 Februari 2018 dan Sukan Majlis Sukan Universiti Malaysia (MASUM) 2018.

Beliau juga mengucapkan ribuan terima kasih kepada Prof. Datuk Dr D. Kamarudin D. Mudin Naib Canselor dan Pengurusan Tertinggi UMS

yang menyokong dan menjadi nadi utama perkembangan sukan UMS.

Majlis Penyampaian Hadiah telah disempurnakan oleh Ketua Penolong Pengarah, Bahagian Sukan Kementerian Pendidikan Tinggi Malaysia; Tony Azman.

Seramai 767 atlet mewakili 20 kontinjen Institusi Pendidikan Tinggi (IPT) dari seluruh Sabah dan Wilayah Persekutuan Labuan, termasuk Universiti Awam, Universiti Swasta, Politeknik, Kolej Komuniti, Kolej Universiti, Kolej Swasta, Institut Pendidikan Guru, Institut Kemahiran Mara dan Institut Kemahiran Bina Negara mengambil bahagian pada temasya kali ini. **-Oleh DESMOND QWEK**



DR. ISMAIL (depan lima kanan) menyampaikan bendera UMS kepada kontinjen UMS diketuai oleh Charles (lima kiri) semasa majlis penyampaian di Kampus UMS, Jalan Sulaman pada Rabu.